



Broj: 01-49-2-1396/14

Datum: 16.07.2014.godine

IZVJEŠTAJ

o radu Općinskog vijeća Tešanj za period 01.01. – 30.06.2014. godine

UVODNI DIO

Članom 117. Poslovnika o radu OV-a utvrđeno je sljedeće:


1. Općinsko vijeće obavezno je putem nadležne službe izraditi šestomjesečni i godišnji izvještaj i isti nakon usvajanja na sjednici Općinskog vijeća objaviti.
2. Izvještaj iz prethodnog stava obavezno obuhvata:
 - a) broj donesenih odluka,
 - b) broj primljenih komentara za svaku odluku pojedinačno,
 - c) broj odluka koje su inicirali građani,
 - d) broj održanih javnih rasprava,
 - e) broj građana koji su prisustvovali javnim raspravama,
 - f) broj sprovedenih analiza ekonomske opravdanosti,
 - g) broj građana koji su prisustvovali sjednicama Vijeća i
 - h) prisustvo vijećnika sjednicama Vijeća.


Izvještaj o radu Općinskog vijeća Tešanj za period 01.01. – 30.06.2014. godine predviđen je u prvom kvartalu Programa rada za 2014. godinu.

IZVJEŠTAJNI DIO

- a. Općinsko vijeće je donijelo 20 odluka, 17 rješenja i 65 zaključaka,

Sagleda li se struktura tema i pitanja o kojima se vodila rasprava i donosili određeni zaključci u izvještajnom periodu najbrojniji su bili prijedlozi odluka (20), informacija (20), rješenja (17), inicijativa (14), izvještaja (7), ostali prijedlozi – rezolucija i uslovna saglasnost (2).





U izvještajnom periodu Općinsko vijeće je nakon provedenih rasprava usvojilo ukupno 102 akta i to 20 odluka, 17 rješenja, i 65 zaključaka (koji se odnose na odluke, rješenja, informacije, inicijativa i izvještaje).

- b. Komentara na odluke koje je Vijeće donijelo – nije bilo.
- c. Općinsko vijeće je donijelo 7 (sedam) odluka koje su inicirali građani.
- d. Nije bilo javnih rasprava.
- e. Tematske rasprave su bile o javnim ustanovama i preduzećima kroz razmatranje informacija o radu.
- f. Sjednicama Vijeća pored redovnih gostiju prisustvovalo je i 8 (osam) građana,
- g. Nije bilo odluka koje su zahtjevale posebnu ekonomsku opravdanost,
- h. Prisustvo vijećnika sjednicama Vijeća bilo je dobro, jer su svakoj sjednici Vijeća, od ukupno 25 vijećnika, u prosjeku prisustvovala 24 vijećnika, ili 96 %.

Na ukupno 6 održanih sjednica Vijeća u I polugodištu 2014. godine, uglavnom nakon ranije najavljenog opravdanog odsustva, sjednicama Vijeća nisu prisustvovali slijedeći vijećnici:

1.	Alić Munevera	2 sjednice Vijeća
2.	Ajanović Ekrem	1 sjednice Vijeća
3.	Dujić Amir	1 sjednice Vijeća
4.	Bernadeta Galijašević	1 sjednice Vijeća
5.	Halilović Muhamed	1 sjednica Vijeća
6.	Jašić Haria	1 sjednica Vijeća
7.	Salkić Aida	1 sjednica Vijeća

OSTALO

Općinsko vijeće Tešanj je u periodu 01.01. – 30.06.2014. godine radilo u redovnim javnim zasjedanjima. Održano je ukupno 6 radnih sjednica. Sjednice Vijeća u izvještajnom periodu trajale su u prosjeku oko 4 sata.

Na dnevnom redu sjednica Vijeća bile su 62 tačke, od čega su 22 ili 35,48 % bile predviđene Programom rada Vijeća za 2014. godinu. Ostalih 40 tačaka ili 64,51 % bile su tekuće aktivnosti nastale kao posljedica zahtjeva građana, poslovnog svijeta i drugih subjekata pred administracijom. U prosjeku je bilo po 10 tačaka dnevnog reda po jednoj sjednici.

Da bi se stekla realna slika navedenih podataka, odnosno rada Vijeća u periodu 01.01. – 30.06.2014. godine potrebno je navedene podatke uporediti sa planskim aktivnostima koje su definirane Programom rada Vijeća za 2014. godinu, što je iz narednog pregleda jasno vidljivo:

Vrsta	Odluke	Rješenja	Informacije i izvještaji	Ukupno	Vjećnička pitanja	Inicijativa	Zaključci ukupno
Planirano	3	0	19	22	-	-	-
Realizovano	20	17	27	64	42	15	65
Razlika	+17	+17	+8	+42 (190%)			

Očigledno je da je broj Odluka i Rješenja po zahtjevima građana i tekućim potrebama bio dominantan u realizaciji, ali se mora istaći da su odluke, izvještaji i informacije koje su planirane Programom rada Vijeća za 2014. godinu sve realizovane.

Osnovne tematske odluke, koje je Vijeće u izvještajnom periodu donijelo, bile su:

- Odluka o određivanju matičnih područja i njihovih sjedišta,
- Odluka o zaštitnim zonama i zaštitnim mjerama izvorišta "Studenac" na mjesnom vodovodu "Ponikva" Šije,
- Odluka o izmjenama i dopunama Odluke o organizovanju zaštite i spašavanja ljudi i materijalnih dobara od prirodnih i drugih nesreća na području općine Tešanj,
- Odluka o izmjenama i dopunama Odluke o proglašavanju nevladinih organizacija od posebnog interesa, Odluka o raspivanju javnog konkursa (parcela 181/2 za K.O. Tešanj II),
- Odluka o izmjenama Odluke o posebnim uslovima rješavanja statusa izgrađenih objekata,
- Odluka o utvrđivanju javnog interesa za izgradnju primarnih kolektora sistema prikupljanja i odvodnje otpadnih voda na području općine Tešanj,
- Odluka o usvajanju i pokretanju aktivnosti radi privođenja namjeni Idejnim projektom prikazanog konce pta izgradnje javne garaže na lokalitetu benzinske pumpe INA kod stambenog naselja Simetrale u Tešnju,
- Odluka o objavljivanju Javnog oglasa za imenovanje članova Općinske izborne komisije Tešanj i Javni oglas za imenovanje 4 člana Općinske izborne komisije Tešanj,
- Odluka o usvajanju Liste kapitalnih projekata za 2014. godinu,

- Odluka o usvajanju Programa novčanih podsticaja za unapređenje primarne poljoprivredne proizvodnje na području općine Tešanj u 2014. godini i program,
- Odluka o zaštiti zraka,
- Odluka o visini prosječne konačne građevinske cijene na području Općine Tešanj,
- Odluka o javno-privatnom dijalogu,
- Odluka o prodaji i zamjeni zemljišta,
- Odluka o naknadama vijećnicima i članovima komisija koje imenuje Općinsko vijeće,
- Odluka o prodaji nekretnine koja je označena kao: - k.p.br. 180 zv. "Kućište",
- Odluka o dopuni Odluke o radnom vremenu u određenim djelatnostima na području općine Tešanj, Odluka o prenosu prava vlasništva radi oblikovanja građevinske parcele u skladu sa RP "Centar" Jelah.

Aktivnosti Općinskog vijeća zasnivale su se na zadacima utvrđenim Programom rada Vijeća za 2014. godinu. U pripremi sjednica Općinskog vijeća redovno su održavani sastanci Kolegija Vijeća. Ovakav način rada je doprinio da se na kvalitetniji način planiraju teme za svaku od sjednica Vijeća, obavi rasprava o pojedinim pitanjima i usaglasi dnevni red sjednice čije se održavanje planiralo. Iako obiman materijal, Kolegij je redovno iskazivao razumijevanje za sve predložene tačke dnevnog reda, te se skoro sva planirana tematika za sjednice usvajala jednoglasno. Ovakav ambijent u radu Kolegija doprinio je konstruktivnoj atmosferi i u radu Vijeća.

Materijali za sjednice Vijeća su uglavnom dostavljani najmanje 7 dana prije održavanja sjednice, čime je redovno poštovana procedura predviđena Poslovníkom o radu Vijeća. Ovdje je važno napomenuti da se cjelokupan radni materijal planiran za sjednice Vijeća, odmah poslije sjednice Kolegija objavljuje na zvaničnoj web strani Općine. Ovim činom sav materijal činimo dostupnim svim građanima sa ciljem da do početka sjednice preko vijećnika mogu reagovati svojim primjedbama na svaki od predloženih dokumenata.

Vijećnici su u svom radu postavili 42 vijećnička pitanja na koja je odgovoreno, uglavnom do naredne sjednice Vijeća i podnijeli 15 vijećničkih inicijativa.

Sjednicama Vijeća su u svojstvu gosta redovno pozivani: poslanici u federalnom i kantonalnom parlamentu s područja općine, OSCE, kao i predstavnici javnih preduzeća i ustanova, i drugi, kada je razmatrana određena problematika vezana za navedene institucije.

Rad svih sjednica Vijeća bio je javan. 16. i 17. sjednici su prisustvovali predstavnici Plenuma građana (Edin Šeljmo, Ibrahimović Suad, Dizdarević Mujo.). Plenum građana je Vijeću dostavio svoje zahtjeve koji su razmatrani na zajedničkom sastanku Kolegija Vijeća i predstavnika građana (šest članova).

Na svojoj 16. sjednici Vijeće nije prihvatilo Informaciju o stanju bezbjednosti na području općine Tešanj za 2013. godinu koju je podnijela Policijska stanica Tešanj.

Općinsko vijeće Tešanj je na svojoj 17. sjednici održanoj dana 31.03.2014. godine, donijelo Rezoluciju o podršci borbi jednakih šansi za sve kojom Općina Tešanj, kao lokalna samouprava, poziva na uspostavu više reda u odnosima i na veći stepen društvene pravde, a Općinsko vijeće Tešanj traži da se sistemski, izmjenom zakona, uredi oblast zapošljavanja koja će spriječiti stranačke, prijateljske i rodbinske uticaje pri zapošljavanju. Rezolucijom Općina Tešanj poziva sve poslodavce na području općine Tešanj, privatni i javni sektor, da prilikom novih prijema radnika sami uzmu u obzir načela Rezolucije i prije nego što vlade i parlamenti to zakonski uredi.

Sjednicama su redovno prisustvovali i mediji (TV "Smart" Tešanj i novinar Radio Tešnja gosp. Halid Fejzić). Sjednice su emitovane u jasno definisanom terminu, prva subota nakon održavanja sjednice sa početkom u 20,00 sati u programu TV "Smart" Tešanj i najkasnije u roku od tri dana na NTV "Amna" Tešanj. Građanima općine bilo je omogućeno televizijsko praćenje sjednica Vijeća, te kraće reportaže putem TV "Smart" Tešanj (Tešanjska hronika) i lokalnih radio stanica. Također, rad Vijeća redovno je predstavljan na web stranici Općine Tešanj i Tešanjskom biltenu, te na druge načine (facebook stranici i android aplikaciji). Konačni akti redovno su objavljivani u "Službenom glasniku Općine Tešanj", koji su građanima dostupni i na web strani.

RADNA TIJELA VIJEĆA

Za pripremanje i razmatranje prijedloga odluka i drugih akata i za praćenje i proučavanje drugih akata iz nadležnosti Vijeća, u Vijeću se obrazuju stalna radna tijela. Komisije, kao stalna radna tijela Vijeća, su u prethodnom periodu razmatrale određenu problematiku i donosile određene zaključke. Prema Poslovniku o radu, Vijeće ima deset komisija i Komisiju za primjenu Kodeksa ponašanja vijećnika u Općinskom vijeću Tešanj.

R.br.	RADNA TIJELO	BROJ SASTANAKA
1.	Komisija za pitanja mladih	4 sastanka
2.	Komisija za ravnopravnost polova	3 sastanka
3.	Komisija za primjenu Kodeksa ponašanja vijećnika	2 sastanka
4.	Statutarna komisija	2 sastanka
5.	Komisija za predstavke i prijedloge	1 sastanka
6.	Komisija za odlikovanja i druga javna priznanja	1 sastanak
7.	Komisija za budžet	1 sastanak

U izvještajnom periodu održano je 12 sastanaka stalnih radnih tijela, s tim da Komisija za izbor i imenovanje, Komisija za zaštitu čovjekove sredine i Mandatno – imunitetska komisija nisu održale ni jedan sastanak.

Općinsko vijeće na svojoj 15.sjednici nije prihvatilo Izvještaj Komisije za primjenu Kodeksa ponašanja vijećnika u Općinskom vijeću Tešanj koji je Komisija dostavila na osnovu zaključka a po prijedlogu vijećnika Ekrema Ajanovića.

Općinsko vijeće na svojoj 19. sjednici nije prihvatilo prijedlog Statutarne komisije – prijedlog Odluke o dopuni Poslovnika o radu Općinskog vijeća Tešanj da se u odredbi člana 117. stav 2. upiše nova tačka "i" koja glasi: "pojedinačni rezultati vijećnika koji su doprinijeli radu Vijeća u predlaganju: inicijativa, zaključaka, amandmana, te broja postavljenih vijećničkih pitanja i diskusija".

Pored stalnih radnih tijela Općinsko vijeće je imenovalo i 3 privremena radna tijela i to: Komisiju koja će posjetiti sve poslovne zone, Komisiju za provođenje postupka za imenovanje članova općinske izborne komisije i Općinsku izbornu komisiju, a produžen je mandat drugostepenoj Komisiji koja rješava po žalbama podnesenim protiv prvostepenih rješenja općinskog organa uprave.

REALIZACIJA ZAKLJUČAKA

Uvidom u hronološki registar propisa objavljenih u "Službenom glasniku Općine Tešanj" u izvještajnom periodu, može se konstatovati da je zaključke donesene od strane Općinskog vijeća Općinski načelnik i administracija uglavnom i realizirala u predviđenom roku, te da je u toku realizacija preostalih zaključaka, o čemu se Općinsko vijeće redovno informiše dostavljanjem pisanog pregleda svim vijećnicima.

ZAKLJUČCI

- a. Kada se ima u vidu ukupna realizacija planskih i vanrednih aktivnosti, može se konstatovati da je Općinsko vijeće u I polugodištu 2014. godine uspješno realizovalo svoju ulogu.
- b. Većina odluka, kao i važnijih dokumenata, usvajana je jednoglasno, a samo je jedna predložena odluka odbijena.
- c. Postoji stabilan partnerski odnos između Općinskog vijeća i Općinskog načelnika, odnosno da se iste međusobno podupiru na zajedničkom putu realizacije politike i ciljeva u razvoju lokalne zajednice i interesa građana.
- d. Aktivnost vijeća se ogleda i kroz usvojenih 48 zaključaka upućenih Općinskom načelniku i administraciji od kojih je 36 realizovano, a realizacija 12 zaključaka još traje.
- e. Općinsko vijeće smatra da imenovane komisije treba da inteziviraju svoj rad u smislu većeg broja zaključaka, inicijativa i preporuka prema Vijeću i očekuje u drugom polugodištu veću aktivnost. U protivnom biće predloženi novi sasavi komisija.
- f. U cilju transparentnosti rada ovaj Izvještaj će biti objavljen na zvaničnoj web stranici Općine Tešanj i u narednom broju Biltena, te tako dati priliku i građanima da se upoznaju i putem ove zbirne informacije o radu Općinskog vijeća Tešanj.

PREDSJEDAVAJUĆI VIJEĆA
Fuad Šišić, dipl.ing.maš.